

資治通鑑考異

一
函
十
五
冊
函

資治通鑑考異卷第二十四

端嚴學兼翰藳讀學士中大夫提舉西京嵩陽宮莊園河內郡開國公食邑三千戶食實封五百戶司馬光奉
勅編集

長沙胡元常彝甫審校

唐紀十六

乾符三年七月宋威擊王仙芝破之

實錄去年十二月宋威自青州與副使曹全晷進軍擊王仙芝
仙芝敗走按仙芝若以去年十二月敗走中間半年豈能靜處
蓋實因威除招討使連言之其實仙芝敗在此月不在十二月
也

十二月鄭畋請以崔安潛代宋威張自勉代曾元裕

實錄雖於此月載畋所上書亦不言行與不行新紀遂於此言

安潛爲諸道行營都統李琢爲招討草賊使自

胡本自上
有張字

勉副

之按明年咸元裕爲

胡本無
爲字

使副猶如故新紀

胡本新紀
作實錄

誤也

安南戍兵逐李瓚

新紀在四年十二月今從實錄

黃巢言五千餘眾安所歸

仙芝巢初起時云數月閒眾至數萬至此纔有五千者蓋烏合之眾聚散無常耳

王仙芝黃巢分道而去

王坤驚聽錄曰乾符四年丁酉仲夏天示彗星草寇黃巢尙君長奔突卽五年戊戌之歲狂寇王仙芝起自鄆封而侵汝鄭卽大寇黃巢尙君長並賊帥之徒黨僅一千餘人攻陷汝州云云又曰黃巢望閩廣而去仙芝指鄆州南行尙君長期陳蔡閒取

羣凶之願三千餘寇屬仙芝君長二千餘人屬黃巢所管明年二月仙芝陷鄂州巢陷鄆州則非巢趣閩廣仙芝趣鄆也王坤此書年月事迹差舛尤多但擇其可信者取之

四年二月南詔國號鶴拓亦號大封人

徐雲虔南詔錄曰南詔別名鶴拓其後亦自稱大封人是以封爲國號也

四月黃巢尙讓保查牙山

舊紀四年三月巢陷鄆州七月入查牙山與王仙芝合五年二月君長仙芝皆死尙讓以兄遇害大掠淮南舊傳五年八月王鐸斬王仙芝先是尙君長弟讓以兄奉使見誅率部眾入查牙山黃巢黃揆昆仲八人率盜數千依讓按實錄乾符二年仙芝陷曹濮巢已起兵應之三年十二月招討副都監楊復光奏草

賊尙讓據豸山官軍退保鄧州四年四月黃巢引其眾保查
豸山其年冬君長乃死驚聽錄巢與仙芝俱入蘄州以仙芝獨
受官而怒毆仙芝傷面由是分隊時君長亦在座非仙芝死後
巢方依讓也又按舊紀仙芝死後王鐸始爲都統討賊而舊傳
云王鐸斬仙芝又先云殺張璘乃陷廣州先云陷華州方攻潼
關敘事顛錯不倫今從實錄

五年二月李克用殺段文楚據雲州

趙鳳後唐太祖紀年錄曰乾符三年河南水災盜寇蜂起朝廷
以段文楚爲代北水陸發運雲州防禦使以代支謨時歲薦饑
文楚削軍人衣米諸軍咸怨太祖爲雲中防邊督將部下爭訴
以軍食不充請具聞奏邊校程懷信康君立等十餘帳日譁於
太祖之門請其除虐帥以謝邊人眾因大譟擁太祖上馬比及

雲中眾且萬人城中械文楚出以應太祖後唐閔帝時史官張
昭遠撰莊宗功臣列傳曰康君立爲雲中牙校事防禦使段文
楚時天下將亂代北仍歲阻饑諸部豪傑咸有嘯聚邀功之志
文楚法令稍峻軍倉轉餉不給戍兵咨怨雲州沙陀兵馬使李
盡忠私謂君立等曰段公儒者難與共事方今四方雲擾皇威
不振丈夫不能於此時立功立事非人豪也吾等雖擁部眾然
以雄勁聞於時者莫若李振武父子官高功大勇冠諸君胡本君作
軍吾等合勢推之則代北之地旬月可定功名富貴事無不濟
也時武皇爲沙陀三部落副兵馬使在蔚州盡忠令君立私往
圖之曰方今天下大亂天子付將臣以邊事歲偶飢荒便削儲
給我等邊人焉能守死公家父子素以威惠及五部當共除虐
帥以謝邊人武皇曰予家尊在振武萬一相逼俟予稟命君立

曰事機已泄遲則變生咸通十三年十二月盡忠夜帥牙兵攻
牙城執文楚及判官柳漢璋陳韜等繫之於獄遂自知軍州事
遣君立召太祖於蔚州是月太祖與退渾突厥三部落眾萬人
趨雲中十四年正月六日至鬪鷄臺盡忠遣監軍判官符印請
太祖知畱後事七日盡忠械文楚漢璋等五人送鬪鷄臺軍人
亂食其肉九日太祖權知畱後府牙受上三軍表請受

胡本受
作授

太祖大同防禦使懿宗不悅時已除盧簡方代文楚未至而文
楚被害實錄乾符元年十二月李克用殺大同軍防禦使段文
楚自稱防禦畱後塞下之亂自茲始矣薛居正五代史君立傳
皆與莊宗列傳同惟削去李盡忠名但云君立與薛鐵山程懷
信王行審李存璋等謀悉以盡忠語爲君立之語云君立等乃
夜謁武皇言曰方今天下大亂云云眾因聚譟擁武皇比及雲

州眾且萬人師營鬪鷄臺城中械文楚以應武皇之軍既收城

推武皇爲大同軍

胡本無軍字

防禦畱後眾狀以聞舊紀咸通十三

年十二月李國昌小男

胡本男下有李字

克用殺雲州防禦使段文楚

據雲州自稱防禦畱後乾符五年正月沙陀首領李盡忠陷遮
虜軍竇滌遣康傳圭率土團二千屯代州將發求賞呼噪殺馬
步軍使鄧處有唐末三朝見聞錄者不著撰人姓名專記晉陽
事其書云乾符五年戊戌竇滌自前守京兆尹拜河東節度使
在任使值大同軍變殺防禦使段文楚正月二十六日軍於石
窰二十七日到白泊二十九日至靜邊軍三十日築卻四面城
門二月一日在城將士三人共賞絹一匹監軍使羌仇判官聞
奏李盡忠等准詔各賞馬一匹銀鞍轡一副銀三錠銀碗一枚
絹一束錦二匹紫羅三匹諸軍將銀碗絹等三日李盡忠卻入

四日兩面馬步五萬餘人城四面下營五日又賞土團牛酒六日監軍使送牌印與李九郎七日城南門樓上繫縛下段尙書柳漢璋雍侍御陳韜等四人尋分付軍兵於鬪雞臺西副卻又令馬軍踐踏卻骸骨八日李九郎被土誤上原團馬步軍約一千人持弓刀送上與舊紀五年事微合實錄亦頗采之云五年正月壬戌竇滸奏沙陀首領李盡忠寇石窯白泊至靜邊軍二月奏李盡忠求賞詔賞馬一匹銀鞍勒綿絹等按莊宗列傳舊紀克用殺文楚在咸通十三年十二月歐陽修五代史記取之太祖紀年錄在乾符三年薛居正五代史新沙陀傳取之見聞錄在乾符五年二月新紀取之惟實錄在乾符元年不知其所据何書也克用旣殺文楚豈肯晏然安處必更侵擾邊陲朝廷亦須發兵徵胡本徵作征討而自乾符四年以前皆不見其事唐末見

聞錄敘月日今從之

以盧簡方爲大同防禦使

舊紀咸通十三年七月以前義昌節度使盧簡方爲太僕卿十二月以振武節度使李國昌爲雲州刺史大同軍防禦等使國昌稱病辭軍務乃以太僕卿盧簡方爲雲州刺史充大同軍防禦等使上召簡方於思政殿謂之曰卿以滄州節制屈居大同然朕以沙陀退渾橈亂邊鄙以卿曾在雲中惠及部落且忍屈爲朕此行具達朕旨安慰國昌勿令有所猜嫌也十四年正月辛未以雲朔暴亂代北騷動賜盧簡方詔曰近知大同軍不安殺害段文楚李國昌小男克用主領兵權又曰若克用暫叨

胡本

叨作主兵務束手待朝廷除人則事出權宜不足猜慮若便圖軍柄欲奄大同則患繫久長故難依允料國昌輸忠効節必當

已有指揮簡方準詔諭之國昌不奉詔乃詔太原節度使崔彥昭幽州節度使張公素出師討之三月以簡方爲振武節度使至嵐州卒實錄乾符元年十二月簡方除大同二年正月賜詔亦不云使彥昭公素討之蓋舊紀實錄各隨段文楚死之後載除簡方及詔書使事相接續耳恐皆未足據也舊紀所云太原幽州討之蓋因敘後來事實錄所以不取者方加加原招諭未必攻討也唐末見聞錄又云五年四月敕除簡方振武節度使五月卒實錄亦在五年而云六月卒蓋約奏到之月耳今從三

朝見聞

胡本見聞作聞見

錄

曾元裕破王仙芝斬之

實錄元裕奏大破王仙芝於黃梅縣殺戮五萬餘人追至曹州南華縣斬仙芝傳首京師舊紀二月王仙芝餘黨攻江西招討

使宋威出軍屢敗之仍宣詔書諭仙芝仙芝致書於威求節鉞
威僞許之仙芝令其大將尙君長蔡溫玉奉表入朝威乃斬君
長溫玉以徇仙芝怒急攻洪州陷其郭宋威赴援與賊戰大敗
之殺仙芝傳首京師君長弟讓與黃巢大掠淮南舊傳曰齊克
讓爲兗州節度使以本軍討仙芝仙芝懼引眾歷陳許襄鄧無
少長皆虜之眾號三十萬三年七月陷江陵十月此胡本無又遣
將徐唐莒陷洪州時仙芝表請符節不允以宋威爲荆南節度
招討使楊復光爲監軍復光遣判官吳彥宏諭以朝旨釋罪別
加官爵仙芝乃令尙君長蔡溫玉楚彥威相次詣闕請罪且求
恩命時宋威害復光之功正擒送闕敕於狗脊嶺斬之賊怒悉
精銳擊官軍威軍大敗復光收其餘眾以統之朝廷以王鐸代
爲招討五年八月收復荊州斬仙芝首獻於闕下新傳黃巢自

蘄州與王

胡本無王字

仙芝分其眾尙君長入陳蔡巢北掠齊魯眾

萬人入鄆州殺節度使薛崇進陷沂州繇潁蔡保查峒山引兵復與仙芝合圍宋州會自勉救兵至仙芝解而南度漢攻荆南陷之賊不能守巢攻和州未克仙芝自圍洪州取之使徐唐莒守進破朗岳遂圍潭州觀察使崔瑾拒卻之乃向浙西擾宣潤不能得所欲身畱江西趣別部還入河南帝詔崔安潛歸忠武復起宋威曾元裕以招討使還之而楊復光監軍復光以詔諭賊仙芝遣尙君長等詣闕請罪又遣威書求節度威陽許之上言與君長戰擒之復光固言其降命侍御史與中人卽訊不能明卒斬之仙芝怒還攻洪州入其郭威自將往救敗仙芝於黃梅斬五萬級獲仙芝傳首京師當此時巢方圍亳州未下君長弟讓帥仙芝潰黨歸巢新舊傳敘賊所經歷皆不同又云宋威

殺仙芝今皆從實錄

黃巢改元王霸

續實運錄乾符元年黃巢聚眾於會稽反建元曰王霸元年舊

傳先是尙君長弟讓以兄見誅率眾入查身山黃巢黃揆昆仲

八人率盜數千依讓月餘眾至數萬陷汝州虜刺史王鐸鐸原誤鐸

大掠關東官軍加討屢爲所敗其眾十餘萬尙讓乃與羣盜推

巢爲王胡本王作主曰衝天大將軍仍署官屬蕃鎮不能制新傳曰

尙君長弟讓率仙芝潰黨歸巢推巢爲王號衝天大將軍署拜

官屬驅河南山南之民十餘萬掠淮南建元王霸今從之

巢請降詔以爲右衛將軍竟不至

舊傳及王仙芝敗巢東攻亳州不下乃襲破沂州據之仙芝餘

黨悉附焉實錄巢自稱黃王建元王霸連爲王師所敗詣天平

乞降除右衛將軍復叛去自是兵不能制新傳曰曾元裕敗賊

賊原誤城

於申州死者萬人帝以宋威殺尙君長非是且討賊無功

詔還青州以元裕爲招討使張自勉爲副巢破考城取濮州元裕軍荆襄援兵阻更拜自勉東北面行營招討使督諸軍急捕巢巢方掠襄邑雍丘詔滑州節度使李崱壁原武巢寇葉陽翟欲窺東都會左神武大將軍劉景仁以兵五千援東都河陽節度使鄭延休兵三千壁河陰巢兵在江西者爲鎮海節度使高駢所破寇新

胡本無新字

鄭郝襄城陽翟者爲崔安潛逐走在浙西

者爲節度使裴璩

璩原誤璩

斬二長死者甚眾巢大沮畏乃詣天平

軍乞降詔授巢右衛將軍巢度藩鎮不一未足制已卽叛去轉寇浙東執觀察使崔璆與實錄先後不同今從實錄

四月以盧簡方爲振武節度使李國昌爲大同節度使

唐末見聞

胡本見聞作聞見

錄遮虜軍及代州告急竇尙書差回鶻五

百騎邊界巡檢至四月三日進發至五里墩北副將康叔譚恃酒叛逆射損都將趙歸義斫損將叛官閻建弘擒縛入府尙書令下於衙南門全家處斬使司差副兵馬使趙元掠領馬軍進發閻建弘遞送海西當月內有勅送節到除前大同軍防禦使盧簡方充振武節度使除振武節度使李尙書充大同軍節度使實錄云戊辰以簡方爲振武國昌爲大同蓋誤以康叔譚作亂之日爲簡方等建節之日也新沙陀傳曰李克用旣殺段文楚諸校共丐克用爲大同防禦畱後不許發諸道兵進捕諸道不甚力而黃巢方引兵渡江朝廷度未能制乃赦之以國昌爲大同軍防禦使國昌不受命詔河東節度使崔彥昭幽州張公素共擊之無功据此則是大同防禦使非節度

胡本度下有使字

也薛

居正五代史紀曰武皇殺段文楚諸將列狀以聞請授武皇旄

鉞朝廷不允徵諸道兵以討之乾符五年黃巢渡江其勢滋蔓

天子乃悟其事以武皇爲大同軍節度使檢校工部尚書是克

用爲大同胡本同下有軍字節度使非國昌實錄國昌傳及獻祖紀年

錄舊唐本紀俱不言國昌爲大同節度使獨實錄於此言之下

五月又云國昌殺監軍不肯代必有所據蓋國昌父子俱不肯

受代朝廷以爲用國昌代克用必無違命故徙國昌爲大同節

度胡本同下有軍字度下有使字而以盧簡方鎮振武二人竟不受命故簡方

不得赴鎮而死於嵐州國昌亦未嘗赴大同也

崔澹等議南詔和親

實錄置澹議於二月至四月又云南詔遣酋望趙宗政來朝且

議和好今因盧鄭爭蠻事置此